

NB
viel lieber zu nehmen ist. So du dann wilt / daß
es nur vnter sich würcken soll / so gebrauche das ge-
röste Brodt / sonst macht er Vomitus. NB. Es
ist zu verwundern / daß ein wol bereytes Antimo-
nium nimmer vergeblich gebraucher wirdt / dann
wann es schon in gar kleinem dosi wirdt eingegeben /
also daß es weder vomitus noch sedes machen kan /
so thut es das seinige doch vn-sichtbarer Weise /
nemlich / reinigt das Geblüth / treibet viel böses
durch den Schweiß hinweg / also daß schwere
Kranckheiten damit ohne merckliche Operation
können vertrieben werden. Welches mir vielmahl
begegnet ist / vnd Anleytung geben hat / solchem
weilers nachzudencken / habe derohalben gesucht /
wie man ein Antimonium zurichten möchte / wel-
ches täglich ohne Vomitus vnd Stulgänge zu ma-
chen köndte gebraucht werden / welches ich dann
ins Werck gestellt vnd gut befunden habe / wie her-
nach folget. Mache dir von dieser solution, nem-
lich auß den Floribus vnd Tartaro ein gute Quan-
tität / vnd nach Exhalirung des Wassers distillir
einen Spiritum darauß / mit welchem auch ein
schwarz Del vber gehet / das von dem Spiritu ge-
schenden / vnd per se rectificiret muß werden / thut
nicht allein eusserlich Wunder in allem / gleich wie
oben dem Oleo tartari simplici zugeschrieben ist /
sondern noch viel mehr / dann die beste Essentia An-
timonii sich damit in distillatione conjungiret hat /
welche die Kräfften des Olei tartari verdoppelt /
vnd kan solches Oleum nicht allein zu allen podag-
grischen